

Сагаалган-96



АЛДА ХЯДАГААРЫА АХАТАНАА ЗОЛГОБО

ХАБАРАЙ эхин сагаан бар Шарын 6-да, үлзы найн, дашаниматай, бальжиниматай үдэртэ Түнхэнэй болон Ахын аймагуудай зон Х. Намсараевай нэрэмжэтэ буряад драмын академическэ театрта Сагаалганай найр нааданда сугларба.

Театрай ехэ зал соо ороходо, гаргаа алда хадаг бариһан, буряад найхан дэгэлтэй хүбүүд, басагад доро дохижо, айшадые утган, сагаан эдээнэй дээжээр хүндэлнэ. Хэр угһаа буряад-монгол угсаатан айлшанаа хүндэлэхэеэ урид сэбэр мүнгөөр ниилэгдэһэн угалза хээтэй матар аяга соогоо һу хэжэ уцдалууддаг заншалтай байгаа. Энэ ехэ дэлхэйн шэмые шэнгээһэн амидаралта сагаан һүн - монголшуудай хүндын һүлдэ.

Нарай нялхануудта, эсэһэн, даараһан дашье ами зуулгаха шэдитэй энэ хоол ажалша, малша зоной амидаралайнь агуухеэ заяа һүлдэ боложо мандаһан адартай. Гал улаан Хулгана жэлдэ һүн далай салгидажа, табан хушуу малнай үдэжэ, буряад зоннай амар мэндэ, баян тарган ажаһуухань болтогой.

Нааданда ерэгшэдые Улаан-Удын 24-дэхи үндэһэтэнэй лицейн дууша хүбүүд, басагад буряад найхан дуугаар амаршалаа һэн. Энэ нааданай үргэлжэлдэ буряад драмын театрай мэргэжэлтэ артистнарай улаахай Хулгана тухай шогтой, дуутай, солгёо хатартай зүжэг харуулахда, зал соо һууһан зон нэрьемэ пангаар энеэлдэһэн, хүчинэн, халуун альга ташаагаар үдэһэнэһэн байна. Д.Бочиктоевые, М. Елбоновые, Э. Жамбаловае, В. Цыренжаповые харагшад халуунаар утгаа һэн.

Зүжэгэй һүүлээр, богони забһарлалай үедэ, хоёр аймагай хид театрай фойе соо суглараад, элдэб наада зугаа дэлгэбэ. Жэшээнэ, мэргэн хёрхын мурь соондэ хабаяа туршаха дура тайшуул олон байба. БГУ-гай буряад хэлэ бэшэгэй факультетэй аха курсын оюугад эндэ ехэ эдбхи гаргаһан гэжэ тэмдэглэлтэй.

Росси габьяата артистка Нина Токуренова, мүн Буряад Республикын арадай артист Цыден

Цырендоржиев саашанхи наадыс хүтэлһэн байна.

Нааданай хоёрдохи хубийн эхиндэ Хэрэнэй дасанай шэрээтэ Балдан ламхай тайзан дээрэ уригдаа һэн. Бурхан багшын зүрхэн тарни уншахадань, зал соо һуугшад хойноһоонь дабтажа, наманшалан зальбарба. Түнхэн, Аха голый зоной аха захатанай нэгэн, Буряадай арадай поэт Шагдар Байминовые тайзанда уриба. Сэдхэхдэ хадуутдама найхан үгэнүүдээр бултанда хандажа, үндэр тэнгэри эсэгын, үлгэн дэлхэй эхын үргэмжэтэй, буянтай, хэшэгтэй ябахыень үрээгээ. Тиигээд Хойто-Гол нютаг тоонтотой, дайнай

ветеран, Илалтын түрүүшын (1945), мүн, 1990, 1995 онуудай жагсаалда хабаадалсагша Буда Дабаевич Ангархаевта халуун альга ташаалан доро хонин төөлэй барюулагдаба. Зал соо һууһан үндэр наһатайшууда үнэтэ бэлэгүүд, баглаа сэсэгүүд үршөөгдөө.

"Хэнгэргэ" ансамблин Түнхэнэй ёхор дуулахада, зал соохи харагшад дэмжэлсэжэ, дуугаа нэгэдүүлэн, хүчинүүлбэл даа.

Үльгэрэй баатар—Саяанай Үбсүүнһээ харьялан Солгёо дошхон Хэнгэргын Хонгёо сэбэр уанһаа Ундалагша бугын Урамдаһан мэтэ,

Тайгын бүдүүн модоний Найгаһан мэтэ наадахабди.

Ажалай Улаан Тугай орденто багша Ольга Иринчиновна Бандеева ансамблие хүтэлбэрилдэг. Багшын ажалай ветеранууд С. Р. Конякова, А. Д. Петухова, В. М. Зомонов ансамблин эдэбхитэй гэшүүд юм. Таһархай нютагай үнийэй наалишад, "Восточные Саяны" колхозой байхада, түрүү ажалшадтай зэргэдэ ябаһан С. Р. Банчикова Д. Д. Баторова хоёр "Мэдэгмаашье" хангюурдаа. Ансамблин бүридэлдэ залуу хүбүүд, басагадай олон болоһониинь найшаалтай. Үнгэрһэн Гахай жэлдэ "Хэнгэргэ" аяар холын Испанида хүрэжэ, буряад арадынгаа дуу, хатар наадые харуулан байна. Хулгана жэлдэшье амжалтатай, урагшатай байхыень хүсэнэб.

"Бадма сээг" (урид "Лотос" нэрэтэй һэн) ансамбль-театрай хүбүүд, басагадай уян нугархай хатар бултание хужарлуулаа. Түнхэнэй бэлигтэй хүбүүн Дандар Баддуевай хүтэлбэрилдэг энэ коллектив Россин олон хизаар нютагуудаар, холын хари гүрэнүүдээр нилээд ябаһан, ябадагшье. Ансамблин бүридэлдэ шэнэ хатаршад олон. Жэшээнэ, Таһархай тоонтотой аха, дүү Зоригто, Суржана Хусаевууд.

Дуушан Туяна Холбоевагай буряад арадай дуу дуулахадань, шагнагшад удаахан тайзанһаа табингүй, альга ташаажал байба. Бэлигтэй оперно дуушан Елена Шараевагай найхан хоолой бултанай дурябулажа, тэрээндэ баглаа сэсэгүүд барюулагдаа.

Шэнэ жэлдэ шэнэ амжалт хүсэнэбди, Түнхэнэй гургадайнууд!

КОНЦЕРТЫН һүүлээр сайлалган болохо сагаан эдээнэй дээжэ, Хангай хэшэг, мяхан табаг элбэг-дэлбэг табигдаа. Нютаг бүхэн аха зонхо хүндэлөө. Найхан үрээлүүд хэлэгдээ. Зутараан сайн хангал анхилаад, балшар наһамни наһагдаа һэн... "Табаг тамгын тогоон соо хуураһаа шагнаһаа бусалһан ногоон сайн намараад, үдхэн үнжэгэтэй хү хэдэн халбага шара тоһо, дэбнэ нэмжэ, амта оруулһанай уанһа энэ зутараан сайгаа халуун галһа эдээшүүлээд абаа наатнай, шүүтэ шэмээр элбэг, угаашье амттай хоол болодог юм. ...Янгинай хүйтэндэ даараһан бэзетнай бээрэһэн сэдхэхэлыетнай дулаасуулха шэдитэй хоол юм даа" гэжэ Балдан Ябжаной



бэшэһэн юм. Нааданда ерэхэн хэдэн хүнтэй хөөрэлдэбэб.

А. Х. Ивахинова, оёдолшон: "Иимэ найхан найр наада эмхидхэнэинь ехэл найн байна. Мүнөөнэй залуу үедэндэ ехэ хургаал болохо гэжэ һанагдаа. Урданай дуу, найхан үрээлүүдые шагнажа, һанаа сэдхэхдэе хадуужа абаха гэжэ найданаб."

Д. И. Бодеева, олзын хэрэг эрхилэгшэ: "Би Түнхэнһөө хубийн хэрэгээр ерэхэн аад иимэ найр болоһонь гэжэ дуулаа, үлөө хүм. Ехэ хонин байна даа! Аха зонһоо үрээл шагнажа, гар гараа барисадан, хамта ёхор наадахада, ямар гоё гэшэб!"

Б. А. Артугаев, "Саян" жасын гүйсэдхэхэ директор: "Олон зоной үргэмжөөр, бултанай оролдогдоор энэ наадамнай үнгэржэ байна. Л. Тапхаевай бэшэһэн сценаряар режиссер Н. Токуренова зугаа наада зохёогоо. Залуу үетэн, окутаа ехэ эдэбхитэйгээр хабаадаба. Үглөөдэртөө аха зоноо, Түнхэнһөө бууһан айлшадаа "Годли" ресторанда хүндэлхэ, бэлэг-сэлэг барюулаха хүсэлтэйбди."

Һүнийн тэн болотор нютагайхид ёхороо хатарһаа һэн. Ама сагаан Хулгана жэлнай арад зонго баярлуулһань болтогой!

Т. САМБЯЛОВА, ЗУРАГУУДАДЭЭРЭ: найндэртэй үедэ.

С. БАЛДУЕВАЙ, Ц. ЦЫРЕНЖАПОВАЙ фото-зурагууа.



